



**Aningaasaqarnermut Aatsitassanullu  
Naalakkersuisoq**

**Ulloq:** 16. maj 2016  
**J.nr.:** 01.31.06/16-00719

**Aningaasaqarnermut Akileraartarnermullu Ataatsimiititaliap tallimangornermi ulloq  
13. maj 2016-imi aalajangiineranik Naalakkersuisunut ilisimatitsineq.**

**Great Greenland-imut tunngatillugu periusissanut pilersaarummi iluarsinerup  
aningaasaler-sorneqarnissaanut ilassutitut aningaasaliissuteqarnissanik 0,8 mio. kr.-  
nik qinnuteqarneq. - Suliaq nr. 01.31.06/16-00708.**

”Naalakkersuisut inassutigaa,

-**una** konto pingaarnermi 64.10.17 Nunami inuussutissarsiutinut takornariartitsi-  
nermullu tapiissutit, 800.000 kr.-nik amerlisinneqassasut, aamma

-**una** konto 20.11.50 Ingerlatsinermit sillimmatit 800.000 kr.-nik appartinneqassa-  
sut 800.000 kr.-inik.”

**Aningaasaqarnermut Akileraartarnermullu ataatsimiititaliap oqaaseqaatai:**

Naalakkersuisut ulloq 25. januar 2016 immikkoortoq 2.b-p ataani aalajangerput, kontumut pingaarnermut 20.10.11 Ilanngaaseereerluni erniat, 2016-imut ilassutitut aningaasaliissutinut inatsimmi oqaasertaliussamik ilanngussinissaq pillugu qinnuteqaatip akuerineqarnissaa Inatsisartut Aningaasaqarnermut Akileraartarnermullu Ataatsimiititaliaannut inassutigineqassasooq, taamaalillunilu Great Greenland Nunatta karsiani 20 mio. kr.-nik tigusisinnaa-titaaffilerneqassalluni.

Inatsisartut Aningaasaqarnermut Akileraartarnermullu Ataatsimiititaliaat Aningaasaqarnermut Aatsitassanullu Naalakkersuisumut allakkani ulloq 30. marts 2016 ullulerneqartuni nalunaaruteqarpoq, Aningaasaqarnermut Akileraartarnermullu Ataatsimiititaliap Naalakkersuisunit inassuteqaat akuerinngikkaa. Taanna ilutigalugu taarsiullugu Great Greenlandimut kiffartuussinissamut isumaqatigiissutip qaffanneqarnissaanut akuersaartumik isumaqarluni ataatsimiititaliap oqaatigaa.

Matuma siuliani allassimasut tunngavigalugit Naalakkersuisunit inassutigineqarpoq, kontumut pingaarnermut 64.10.17 Nunami inuussutissarsiutinut takornariartitsinerneqartunut tapiissutit, takuuk ilanngussaq 1, 0,8 mio. kr.-nik ilassutitut aningaasaliissuteqarnissaq, kontomit pingaarnermut 20.11.50 Ingerlatsinermit sillimmatit, takuuk ilanngussaq 2, aningaasaler-sorneqartoq, Aningaasaqarnermut Ataatsimiititaliamit akuerineqassasooq.

**Aningaasaqarnermut Akileraartarnermullu ataatsimiititaliap aalajangiinera**

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqarpoq.**

Ataatsimiititaliap sinnerlugu

Jens Immanuelson

Aningaasaqarnermut Akileraartarnermullu Ataatsimiititaliap Siulittaasua